



Bosnia and Herzegovina  
Federation of Bosnia and Herzegovina

KANTON SARAJEVO  
Ministry of Internal Affairs

**Broj: 01-11-4-6919**  
**Sarajevo, 02.12.2022. godine**

Na osnovu člana 21. stav (3) tačka c) Zakona o unutrašnjim poslovima Kantona Sarajevo („Službene novine Kantona Sarajevo, br. 1/16, 26/19, 31/19 i 39/20 ), čl. 18. stav (1), 14. st. (1) i (5) i 25. Zakona o javnim nabavkama („Službeni glasnik Bosne i Hercegovine“, br. 39/14 i 59/22), a na osnovu Odluke Vlade Kantona Sarajevo, broj: 02-04-48024-25/22, od 01.12.2022. godine, ministar unutrašnjih poslova Kantona Sarajevo, d o n o s i

## ODLUKU

### I

Određuje se pokretanje postupka javne nabavke višenamjenskog helikoptera sa pratećom opremom, putem otvorenog postupka sa međunarodnom objavom.

### II

Procijenjena vrijednost nabavke iznosi do **27.777.777,80 KM** bez PDV-a.

### III

Novčana sredstva za plaćanje nabavke su djelimično osigurana u Budžetu Kantona Sarajevo za 2022. godinu („Službene novine Kantona Sarajevo“ broj: 5/22), razdjel 17, glava 01, ekonomski kod 821300 HAX001, a Vlada Kantona Sarajevo se donošenjem Odluke broj: 02-04-48024-25/22, od 01.12.2022. godine, obavezala da će u periodu 2023.-2024. godine obezbjediti dio nedostajućih sredstava za predmetnu nabavku,

Projekat predmetne nabavke „Nabavka višenamjenskog helikoptera i uspostave helikopterske jedinice“ je uvršten u Program javnih investicija za period 2023.-2025. godine.

### IV

Za realizaciju navedenog projekta, prema gore navedenoj Odluci, zaduženo je Ministarstvo unutrašnjih poslova i Ministarstvo finansija Kantona Sarajevo, svako iz svoje nadležnosti.

### V

Nabavka je predviđena Izmjenama i dopunama Plana nabavki Ministarstva unutrašnjih poslova Kantona Sarajevo za 2022. godinu, broj: 01-11-4-468-8, od 02.12.2022. godine.

### VI

Za provođenje postupka nabavke iz člana I ove Odluke zadužuje se Komisija za provođenje postupka javne nabavke helikoptera, imenovana Rješenjem broj: 05-1-30-1-5738-1, od 28.01.2022. godine, Rješenjima o izmjeni rješenja broj: 05-1-30-1-5738-2/21, od 06.07.2022. godine i 05-1-30-1-5738-3/21, od 04.11.2022. godine.

### VII

Ova Odluka stupa na snagu danom donošenja.



Adresa: Sarajevo, La Benevolencije 16  
Tel: + 387 (0)33 286-701, 286-702,  
Fax: + 387 (0)33 226-445

Web: <http://mup.ks.gov.ba>, Email: [ministar@mup.ks.gov.ba](mailto:ministar@mup.ks.gov.ba)

## Obrazloženje

Tačkom I Odluke Vlade Kantona Sarajevo, broj: 02-04-48024-25/22, od 01.12.2022. godine, Ministarstvu unutrašnjih poslova Kantona Sarajevo data je saglasnost na donošenje odluke o pokretanju postupka nabavke višenamjenskog helikoptera.

Naime, Odlukom Vlade Kantona Sarajevo, broj: 02-04-35846-7/21, od 30.09.2021. godine, data je saglasnost na Elaborat o provođenju aktivnosti koje treba realizovati radi uspostave Helikopterske jedinice MUP-a Kantona Sarajevo. Vrijednost projekta prema Elaboratu iznosi 25.200.900,00 KM.

Nadalje, Odlukom Vlade Kantona Sarajevo, broj: 02-04-28993-28/22, od 28.07.2022. godine, data je saglasnost na izmjenu Elaborata o provođenju aktivnosti koje treba realizovati radi uspostave Helikopterske jedinice MUP-a Kantona Sarajevo, u kojem sada potrebna finansijska sredstva iznose 39.700.000,00 KM, od čega za nabavku višenamjenskog helikoptera 32.500.000,00 KM.

Do promjene procijenjene vrijednosti nabavke višenamjenskog helikoptera došlo je zbog globalnog ekonomskog poremećaja na tržištu, prije svega uzrokovanog ratnim zbivanjima u Ukrajini, što je konstatovano kroz istraživanje tržišta, a što se moralo enormno odraziti na vrijednost predmetne nabavke.

Za predmetnu nabavku u Budžetu Kantona Sarajevo za 2022. godine Ministarstvu unutrašnjih poslova Kantona Sarajevo odobreno je 17.091.100,00 KM.

Prema Odluci o zaduženju Kantona Sarajevo za kredite, broj: 02-04-29940-8/22, od 04.08.2022. godine, u 2022. godini obezbjeđeno je 9.545.450,00 KM uz obrazloženje da preostala sredstva nisu obezbjeđena obzirom da nije bilo prispjelih ponuda od strane ponuđača (banaka) prilikom zaduživanja, međutim odobrena sredstva se mogu razgraničiti u narednoj godini.


U skladu sa izmjenom Elaborata o provođenju aktivnosti koje treba realizovati radi uspostave Helikopterske jedinice MUP-a Kantona Sarajevo, Ministarstvu finansija Kantona Sarajevo dostavljen je budžetski zahtjev za 2023. godinu u ukupnom iznosu od 30.154.550,00 KM za navedene namjene i kada se na to dodaju sredstva u iznosu od 9.545.450,00 KM, koliko je osigurano za nabavku helikoptera u 2022. godini, ukupna vrijednost projekta iznosi 39.700.000,00 KM.

Dakle, za nabavku višenamjenskog helikoptera u 2022. godini nisu obezbjeđena sredstva u cijelosti, odnosno od potrebnih 32.500.000,00 KM osigurano je 9.545.450,00 KM, a razlika je planirana u budžetskom zahtjevu za 2023. godinu u skladu sa Odlukom o izmjeni elaborata Vlade Kantona Sarajevo.

Projekat predmetne nabavke „Nabavka višenamjenskog helikoptera i uspostave Helikopterske jedinice“ je uvršten u Program javnih investicija za period 2023.-2025. godine.

Za Vladu Kantona Sarajevo predmetna nabavka predstavlja prioritetan projekat, odnosno strateški važan projekat za Kanton Sarajevo i društvenu zajednicu u cjelini i Vlada Kantona Sarajevo se Odlukom broj: 02-04-48024-25/22, od 01.12.2022. godine obavezala da će osigurati nedostajući iznos finansijskih sredstava za realizaciju projekta nabavke višenamjenskog helikoptera i uspostave Helikopterske jedinice Ministarstva unutrašnjih poslova Kantona Sarajevo, a za realizaciju je zaduženo Ministarstvo unutrašnjih poslova i Ministarstvo finansija Kantona Sarajevo.

Imajući u vidu naprijed navedeno, riješeno je kao u dispozitivu.



### Dostaviti:

1. Komisiji za provođenje javne nabavke helikoptera x7;
2. Upravi podrške;
3. Kabinetu ministra, stručni savjetnik za odnose s javnošću j1
4. a/a.



Adresa: Sarajevo, La Benevolencije 16

Tel: + 387 (0)33 286-701, 286-702,

Fax: + 387 (0)33 226-445

Web: <http://mup.ks.gov.ba>, Email: [ministar@mup.ks.gov.ba](mailto:ministar@mup.ks.gov.ba)